

本草乘雅半偈

本草乘雅半偈

卷五

本經中品三

石膏

石葦

茜草

白芷

紫葳

交羊角

明 盧之頤 撰

慈石

藁本

紫葳

防己

狗脊

秦艽

百合

秦皮

枳實
枳壳同

本經中品四

五
丹雄雞

六
白茅

通草

桔樓

卮子

蕪荑

牛黃

殺羊角

紫苑

瞿麥

女苑

即威靈

草薺

芫胡

合歡

藥木

梅實

本經中品三

貝母

黃芩

猪苓

地榆

秦椒

厚樸

吳茱萸

本經中品三

石膏氣味辛微寒無毒主中風寒熱心下逆氣驚喘口
乾舌焦不能息腹中堅痛除邪鬼產乳金瘡

覆曰出齊廬山及魯蒙山剡州彭城錢唐亦有之生
石中大塊作層細文短密宛若束針潔白如膏鬆
軟易碎燒之白爛如粉也一種硬者生地中枚塊作
稜直理堅白擊之段段橫解牆壁光亮燒之易散不
作粉也別有一種細文長密宛若束絲者理石也一
種作塊無稜橫理堅白擊之方解燒之姤散作粉者

方解石也昔人所謂長石即石膏之硬者所謂寒水石即石膏之軟者而理石方解石氣味都辛寒但不若石膏之軟者能解肌發汗為異耳脩治石臼中搗研成粉羅過生甘草水飛兩遍澄清去水晒乾再研雞子為之使惡莽草巴豆馬目毒公及鐵

叅曰石以止為體膏以釋為用質之寧謐氣之微寒即體之止文之理腠味之辛解即用之釋體用互顯者也但止釋有時故體用各有先後爾或因似體之

止則顯用以釋之或因似用之釋則顯體以止之此
即從而逆逆而從反佐以取之之法也如風性動搖
從之以用逆之以體寒性勁斂從之以體逆之以用
此從逆寒風定動之本性非從逆寒風寒化之本氣
也以性無遷變氣有反從反從者反乎本氣之寒從
乎標象之陽則為病熱之熱也則凡結而欲解者宜矣
結而欲下者非所宜也與麻黃桂枝葛根解發之用
相同寒熱從逆之氣為別異耳主治諸證悉以體止

用釋逆熱從寒反復分疎莫不迎反而解併可推暑
性之欲降火性之欲炎燥性之欲濡濕性之欲流與
府藏形骸血氣竅穴欲止欲釋者詳審合宜為效頗
捷否則災害並至慎之慎之

暑性之欲降轉炎敲為清肅火性之
欲炎火空則發以張夏火之出令也

慈石氣味辛寒無毒主周痺風濕肢節中痛不可持物
洗洗痠消除火熱煩滿及耳聾

穀曰生太山山谷及慈山山陰有鐵處則生其陽今

徐州及南海傍山中亦有慈州者歲貢最佳能吸鐵
虛連數十鐵或一二斤刀器回轉不落者尤良米無
時石中有孔孔中有黃赤色其上有細毛功用更勝
南川異物志云漲海崎頭水淺而多慈石徼外大舟
用鐵葉固之者至此皆不得過以此言之海南所出
尤多也凡使勿誤用玄中石并中麻石二石俱似慈
石只是吸鐵不得而中麻石心更有赤皮且粗是鐵
山石也誤食令人生惡瘡不可療真慈石一片四面

吸鐵一斤者曰延年沙只吸八兩者曰續采石五兩者曰慈石慈磨鐵峯則指南其法取新續中獨縷以斗芥子許臘綴於鐵腰無風處垂之鐵嘗指南以鐵橫貫燈心浮水上亦嘗指南物理相感如此土宿真君云鐵受太陽之氣始生之初鹵石產焉百五十年而成慈石又二百年孕而成鐵脩治一斤用五花皮地榆各一鎰取綿十五兩二件並判於石上搥作二十塊將石入瓷瓶中下草藥以東流水煮三日夜

取出拭乾布裏再搥細乃碾如塵水飛過再碾用茆
胡為之使殺鐵毒消金惡牡丹莽草畏黃石脂

叅曰始生之初鹵石產焉久之孕而成鐵慈母鐵子
也慈之協鐵互為噬吸無情之情氣相感召故周痺

風濕及濕流肢節致肢節中痛洗洗痠消也不能持
物此手不煖物不能聽聲此耳不煖聲併可治目不
煖色鼻不煖香舌不煖味與癰腫鼠瘻頸核喉痛之

身不關

石葦氣味苦平無毒主勞熱五淋閉不通利小便水道
澁曰出華陰山谷今晉絳潞海福州江寧亦有之叢
生石旁及陰崖險罅不聞水聲人聲處凌冬不凋葉
長近尺濶寸許背有黃毛柔靱斑點如皮一種葉背
有金星者曰金星草葉如杏葉者曰杏葉韋同生石

上功用亦相同也脩治去黃毛極淨否則射人肺令
欬逆難療也滑石杏仁射干為之使得菖蒲良制丹
砂礬石

叅曰石者山骨韋為之皮秉坎剛之水用離麗之火
體從堅凝閉密中暢達敷布故主勞熱邪氣致五癰
閉假石性之慄悍宣通水道捷於影響有金星者曰
金星草嘉佑用治發背癰瘡蓋艮為背背發癰瘡止
非止矣金星功能上下敵應時行則行時止則止也

解丹石陽毒者以良止之寧謐對待治之大生毛髮
者腎主骨主體髮者腎之榮肺主皮主膚毛者肺之
華耳

藁本氣味辛溫無毒主婦人疝瘕陰中寒腫痛腹中急
除風頭痛長飢膚悅顏色

藁曰出西川及河東兗州杭州諸處多生山中苗葉
都似白芷又似芎藭而稍細五月開白花七八月結
子根色紫苗下根上似禾之藁也惡藺茹畏青箱子

叅曰藁本芳草也為藁忤之本故悅顏色長肌膚與
白芷功用相符宣發藏陰精明形色潔齊生物者也
如一陽之上氣濁及血濁而致風頭痛一陰之下血
濁及氣濁而致疝瘕陰中寒腫痛腹中急者咸可齊
之以潔也

精明形色非藁忤之本乎蓋形色之藁忤
繇陰不使陽以榮外陽亦失守於中藏耳

茜草根氣味苦寒無毒主寒濕風痺黃疸補中

覈曰出喬山山谷今圃人作畦種蔣矣史記云干欬

卮蒿其人與千戶候等言其利溥厚也季冬生苗蔓
延數丈方莖空中外有細刺數寸作節每節五葉似
棗葉頭尖下濶七月開花結實如小椒中有細子脩治
用銅刀於槐砧上剉細日乾勿犯鉛鐵器勿用赤柳
草根形狀相似只是味酸瀋誤服令人患內瘡速服
甘草水其毒即散畏鼠粘汁制雄黃

叅曰蒿卽蒨毛詩所謂茹蘆蜀本所謂染緋草也肝
主色蒿色勝當入脾心主赤蒿色亦當入心具春升

夏出之機故主補中俾通寒熱風痺及色變於色而
致疸黃也周官庶氏掌除蠱毒以嘉草攻之藁荷之
與茜也而茜功最勝故別錄用治蠱毒耳一名地血
一名茅蒐能入陰分止內崩吐衄一名風車草一名
過山龍先人云風龍肝屬血乃所藏西金青木為用
是臧

紫葳氣味酸微寒無毒主婦人產乳餘疾崩中癥瘕血
閉寒熱羸瘦養胎